

Udal finantzaketa «goitik behera» aldatu nahi du EAK

■ «Oinarrian LHL da
ez dabilena» dio
Garaikoetxeak

M. Arregi / Bilbo

UDAL LEGEA «aurten bertan» kaleratzeko ahaleginak egingo ditu Eusko Alkartasunak, Carlos Garaikoetxea alderdiko lehendakariak atzo Bilbon ziurtatu zuenez. EAK udal finantziaketa «goitik behera» aldatzea bultzatuko duela adierazi zuen. Bizkaiko EAKo kargu publikoak zein alderdikoak Bilbon bildu ziren atzo hainbat gai aztertzeko, hala nola udal finantzaketa, alderdiaren estrategia datozen urteetarako, eta Zabalgari edota Abandoibarrako auziak.

Bizkaiko EAKo hautetsien bileraren atsedendian Garaikoetxeak azaldu zuenez, «Lurrade Historikoen Legetik (LHL) hasita, udal finantziaketaren funtzionamendua ez da egokia, eta EAren errebindikazio historikoa da eraldatzea». Ildo honetan EAK «berrikuntzak bultzatzearen konpromisuari» eusten diola nabarmendu zuen alderdiko buruak. «Benetan egoera deitoragarriak bizi dituzte hainbat udalek lege hori dela medio, eta udalen arteko berdintasuna helburu iraunkorra da guretzat» gaineratu zuen.

Juan Carlos Goienetxea Bizkaiko EAKo presidenteak zehaztu zuenez, «euskal udal fondoak» proposatzen du EAK, udalak finantzatzeko modua berri eta «berdintasun eta elkartasun ildoak» bultzatzeko.

Estrategia prestatzen • Bestalde, hauteskundeak ekarriko dituzten datozen bi urteetara begira EA estrategia berezia prestatzen ari dela jakinarazi zuen Garaikoetxeak: «Datorren ostiralean Gasteizen egingo dugun bileran zehaztuko dugu gaia, baina gure helburua bikoitza izango da; batetik erakundeetan daukagun presentzia areagotzea, Legebiltzarrean bizpahiru aulki lortuz, eta bestetik Bizkaian 7.000 afiliatu izanda egoera hori hauteskundeetan eta botuetan islada dadin lortzea».

Ordezkaritza zabala presoan Euskal Herriratzearen aldeko manifestaldian

Donostian 4.000 lagunetik gora bildu ziren Senideek deituta eta Udalak babestuta

Arratsaldeko 18:00ak pasatxoan hasi zen Donostian Senideak elkarteak deitu eta Udalak babestutako manifestaldia. 'Euskal presoak Euskal Herrira' leloko manifestaldian, herritar ugari gain, PSE-EE, EAJ, HB, EA eta IUko ordezkariak izan ziren.

Erredakzioa / Donostia

MANIFESTALDI isila zabalduz joan zen pankarta Donostiako preso senitartekoez eraman zuten, Presoak Euskal Herrira aldarrikatuz. Haien atzetik, etengabeko euripean, Donostiako 53 preso argazkiak zihoazen, gehienak Euskal Herritik 300 eta 1.200 kilometro artean daudenak. Atzean 4.000 lagun inguru bildu ziren.

Manifestazioko elementurik deigarriena Donostiako zinegotziek zeramaten pankarta izan zen. Manifestazioak Donostiako Udaleko PSE-EE, EAJ, HB, EA eta IU alderdien babesak jaso zuen Giza Eskubideen batzordearen bidez, eta bertan izan ziren alderdi horietako ordezkariak. Mugaz gaindi elkartasuna zioen pankarta eramaten edo haren atzean izan ziren, besteak beste, PSE-EEko Ramon Etxezarreta, EAJko Koro Garmendia, HBko Joseba Alvarez eta Joseba Permach, EAKo Iñaki Barriola eta Enrique Arana eta IUko Antton Karrera.

Udaletxeko Giza Eskubideen batzordean dagoen EAKo ordezkariak, Iñaki Barriolak, pankarta eraman zuen, eta kazetariekin ere mintzatu zen. «Manifestaldi honetara etorri gara Udalak babesa eskaini diolako eta presoan Euskal Herriratzearen alde gaudelako», adierazi zuen.

Aipatzekoa da Udaleko ordezkariak (PPk izan ezik) manifestaziari emaniko babesak polemika ere piztu duela. Izan ere, PPk Odon Elorza alkateari «HBren estrategiaren laguntzaile» izatea leporatu baitio. Elorzak, berriz, «tristetzat» jo zuen PPren jarrera: «Indar guztiak nire aurka ekiten ahitzen dituzte», esan zuen.



PSE-EEko, EAJko, EAKo, IUko eta HBko Donostiako ordezkariak pankarta batean atzean.

EDURNE KOCH

«Ez dugu keinu bat eskatzen, legea betetzea eskatzen dugu»

AMAIERAN donostiako preso baten senideak idatzi bat irakurri zuen. Han bildutakoak «semerik kuttunenak urrun daudenetik» denbora asko igaro dela gogoratu zuen, eta 53 preso donostiarratik bi baino ez daudela Euskal Herrian.

Urte hauetan senideak astero egiten dituzten ehundaka kilometroak aipatu zituen. Beste batzuk, hala ere, egoera okerragoan daudela esan zuen, «ezintasun fisikoengatik urteak baitaramatzate senitartekoa ikusi gabe». Halaber, «bidairen nekearekin batera funtzionarioen irainak eta poliziaren jazarpen eta kontrolak» jasan behar izaten dituz-

tela adierazi zuen. Sabakana-ketaren ondorioz «presoan giza eskubideak egunero bortxatzen» direla salatu zuten senideak. Arlo honetan zigorraren hiru laurdenak beteak izan arren espetxean diren 15 preso donostiarrak aipatu zituen.

Guztiagatik, presoak Euskal Herriratzeko eskatu zuten, «euskal gizarteak hala nahi duela» gogoratu. «Ez dugu eskatzen Espainiako Barne Ministerioaren aldetik presoan aldeko keinu bat. Ez dugu hurbilketa aldarrikatzen. Legea betetzea eskatzen dugu, Euskal Herrian batzea eskatzen dugu, presoan eskubidea delako», adierazi zuen hizlariak. X

Baina Udalaz gain bestelako babesak ere izan zuten atzoko manifestazioak: Donostiako 63 kirola eta kultur elkarte, lau ikastola, 9 euskaltegi, 82 kirolari, EHUKo 24 irakasle, komunikabideetako 71 langile, 26 idazle, 29 aktore eta musikari eta 42 abokatu, besteak beste.

CCOOkoak gose greban • Presoen aldeko ekimen gehiago ere izan zen atzo. 1995ko abenduaren 18an hasi zen txandakako gose grebari jarraituz aste honetako gose grebalariek CCOO sindikatuko ordezkariak dira. Sindikatu horretako Izquierda Sindicalista korronteko 12 kideek Arrasateko udaletxean egingo dute astebeteko baraualdia, presoan Euskal Herriratzeko aldarrikatzeko. Arratsaldeko 18:00etan hasi zuten protestaldia. X

Herrikoak Herrira ekimena sortu da Mungian

■ 18 urtez preso dauden eta hiru laurdenak bete dituzten bi askatzeko eskatu du

Iñaki Uriarte / Mungia

HERRIKOAK HERRIRA izenpean Mungia eta Uribe Butroeko hainbat pertsona ezagun eta udal arduradunek herri ekimen bateratu jarri dute abian. Txabi Iko-baltzeta apaizak, Juan Luis Goikoetxea irakasleak eta Josu Mardaras preso ohiak aurkeztu zuten atzo ekimen zabala. Beraiekin batera Rosario Torre Altonaga, Medius-en arreba, eta Araidia, Manu Legarretaetxebarriaren alaba, izan ziren ekitaldia aurkeztzen.

Mungia preso biok kartzelan denbora gehien daramaten artean daude, 18 urte baitaramatzate presondegiatan. Orain, zigorraren hiru laurdenak bete-

ta, aske egon beharko luketela uste dute ekimenaren bultzatzaileek, Torrek 1993tik eta Legarretaetxebarriak 1994az geroztik.

Bestalde, Igone Elorriaga, Juan Ignacio Sanchez eta Jose Manuel Valdezak Carabanchelen eta Teruelen egon ordez Euskal Herriko kartzeletan egon beharko luketela berretsi zuten atzoko aurkezpenean.

Herrikoak Herrira ekimenak Uribe Butroeko hainbat pertsona ezagunen atxikimendua jaso du. Gatika, Bakio eta Meñakako alkateak; Txema Montero eta Jone Goirizelaia abokatuak; Ramon Zallo eta Ane Larrinaga irakasleak; Ciscar anaiak, pilotariak; Txetxu Ugalde, Kepa Uriarte, Jon Asla eta Estepan

Aldamiz-Etxebarria kazetariak; hiru apaiz eta kulturako hainbat lagun daude sinatzaileen artean.

Bidaia Coruña kartzelara • Bestalde, hurrengo asteburuan martxa bat aterako da Bilbotik Xabier Etxebarria Coruña kartzela hezetik atera eta Euskal Herrira ekar dezaten eskatzeko. Etxebarriak lunbalgia zahar bat du eta azken hamar urteotan mina eta egonezin sortzen dizkio. Senide eta medikuek tratamendu mediku egokia eskatu dute Etxebarriarentzat elbarri geratu aurretik. Xede horrekin manifestazio baterako deia egin dute senideek hurrengo ostiralerako, Arriaga plazan. X



AZPEITIKO UDALA

UDALTZAIN LAGUNTZAILEA

Luzatu litekeen urte beteko eperako udaltzain laguntzaile bat kontratatu nahi da:

Eskatzen diren baldintzak:

- * Goi-batxiller edota antzeko ikasketak izatea. Oinarritzko batxillerra edota lehen eta bigarren mailako lanbide heziketa duten izangaiak ez dira baztertuko.
- * Ofimatika ezagutzak, babes zibil eta lehenengo laguntzako ikastaroak eta abar baloratu egingo dira.
- * 18-21 urte bitarteko pertsona gazte bat izatea komenigarri litzateke, nahiz eta adina ez den faktore mugatzailea izango.
- * Euskara maila ona izan beharko du ahoz eta zailtasunik gabeko idatziak jestionatzeko gauza izan.
- * Ahalmen fisikoetan maila zehatz bat izan beharko dute, hau esfortzu frogan bidez neurtuko zaielarik.

Hautaketa prozesuan parte hartu ahal izateko curriculum vitaeak aurkeztu beharko da, duela gutxi ateratako argazkia barne, Azpeitiko Udaleko Sarrera-erregistro Orokorrean, 1997ko ekainaren 28a baino lehen.